


五代會要




漢書門類		二四二八	函號
一	二	一	二
六	四	八	二
冊	架	函	號

孫子雲藏書記
共十六卷

內閣文庫		漢書
元	二	函
四	四	架
一	二	冊
六	八	號

內閣文庫	
番號	漢 2428
冊數	16 (3)
函號	294 26

四五



五代會要卷四

宋

王

溥


撰



緣祀裁製

梁開平三年九月詔曰國之大事惟祀與戎須委元
臣以專重務今後在京大小祀及諸色祠祭並委空
臣薛貽矩專判

後唐同光三年三月十日祠部奏本朝舊儀太微宮
每年五薦獻其南郊壇每年四祠祭吏部申奏請差
中書門下攝太尉行事其太廟及諸郊壇並吏部差



三品以上攝太尉行事從之至其年七月中書門下
奏據尚書祠部狀每年太微宮五薦獻南郊壇四祠
祭並宰相攝太尉行事唯太廟時祭獨遣庶僚所爲
舊規慮成闕禮臣等商量今後太廟祠祭亦望差宰
臣行事從之

三年十一月禮儀使奏伏准禮經喪三年不祭唯天
地鬼神社稷爲越紼行事此古制也爰自漢文益尊
神器徇至公絕私之義行以日易月之制事久相沿
禮從順變今園陵已畢祥練旣除宗廟不可以乏享

神祇不可以廢祀宜從禮意式展孝思伏請自正簡
太后升祔禮畢應宗廟樂及羣祀並准舊施行從
之

天成四年九月太常寺奏伏見大祠則差宰臣行事
小祠則差諸寺卿監小祠則委太祝奉禮今後凡小
祠請差五品官行事從之其年十月二十七日中書
門下奏太微宮太廟南郊壇宰臣行事宿齋百官皆
入伏以奉命行事精誠宿齋旣徧見於朝官不涉處
於祠祭今後宰臣行事文武兩班望令並不得宿齋

處者奉勅宜依其年十二月中書門下奏今後宰臣致齋內請不押班不知印不赴內殿起居或遇國忌應行事官受誓戒後並宜不赴行香拜不奏覆刑殺公事及大祠致齋內請不開宴從之

長興二年五月尙書左丞崔居儉檢大祠中祠差官行事皇帝雖不與祭其日亦不視朝伏見車駕其日或出於禮不便今後請每遇大祠中祠車駕不出從之

四年二月太常博士路航奏比來小祠已上公卿皆著祭服行事近日唯郊廟太微宮具祭服五郊迎氣日月諸祠並祇常服行事兼本司執事人等皆著隨身衣裝狼藉鞋屨便隨公卿升降於壇墀按祠部令中祠已上應齋郎等昇壇行事者並入給潔服事畢收納今後中祠已上公卿請具祭服行事執事昇壇人並著履具緋衣幘子又臣檢禮閣新儀太微宮請卯時行事近年依諸郊廟例五更行事今後請依舊以卯時從之

清泰元年五月中書門下奏據太常禮院申明宗今

月二十日耐廟太尉合差臣攝行緣馮道假李愚十
八日私忌在致齋內今劉昫又奏見判三司事煩請
免祠事今與禮官參酌諸司忌日遇大朝會入閣宣
召尙赴朝參今耐享事大忌日屬私致齋日請比大
朝會宣召例差李愚行事從之

晉天福七年十一月勅天地宗廟社稷及諸祠事等
訪問目前所司承寬多不精潔宜令三司預支一年
諸司合請祠祭禮料物色等於太廟置庫仍差宗正
丞石載仁口主掌監察御史宋彥昇監庫兼使供奉

官陳審璘往洛京於太廟內穩便處修蓋庫屋五間
俟畢日催促所支物色監送入庫交付訖取收領文
狀歸每有祠祭諸司合請禮料至時委監庫御史宋
彥昇宗正丞石載仁旋旋給付其大祠中祠兼合監
祭使檢點饌造小祠卽令行事官檢點如致慢易本
司當准格科罪其祭器未有者修製已有者更仰雅
飾

開運三年六月西京留司監祭使奏以祠祭所定行
事官臨日或遇疾病或奉詔赴關留司稟勅已遲乞

以留司吏部郎中一人主判有缺便依次第定名庶無缺事從之

周廣順三年九月南郊禮儀使奏郊廟祝文按禮例云古者文字皆書于冊唐初悉用祝版唯陵廟用玉冊元宗親祭郊廟用玉爲冊德宗朝博士陸淳議准禮用祝版祭祀訖燔之乃從其議正元六年親祭又用竹冊今詳酌禮例用祝版爲宜從之

顯德五年閏七月一日御史臺奏見行事件諸司寺監逐季請到祇祭禮料幣帛腳錢等於宗正寺監祭使與本寺官同掌候至日供應逐季所祭享郊壇祠廟並是禮部差官具名銜牒報監祭使大祠前七日赴尙書省受戒誓如其日有官不到具名銜申奏申堂前三日致齋前二日請道引赴祠所中祠不受戒誓前二日致齋前一日請道引赴祠所小祠不受戒誓候吏部牒到獻官各銜監祭使點檢封記印禮料并諸司祇應人等發牒差驅使官管押赴所交割逐祠祭諸司赴郊壇所等至午時與公卿行事官立班告潔省牲點饌畢給付大官令監厨造饌至來日五

五代會要 卷四
更於壇所食饌畢行事點檢有食饌祭器不精應奉有缺其本司人吏量罪責罰郊壇太廟宰臣攝太尉行事至受誓戒及赴祠廟日監祭使具錄公卿行事官名銜申迎班狀應行事官未受誓戒前牒陳有故請假並是吏部別差官行事如受誓戒後及致齋之內有官陳牒有故請假監祭使差次官通攝行事前一日太寺按閱申堂如至行事日音律樂官祇應前却監祭使量罪區分太廟夾室行祫享之禮所差行事公卿等並聽別勅指揮諸祠祭有同日享祀監祭

使具狀申御史中丞請差官祀若是無官可差監祭使牒太常博士通攝如缺太常博士監祭使通攝祠祭行事公卿官員職掌等每至冬寒請柴炭太常禮院差禮生請給監祭使監散

親謁陵

後唐末帝清泰三年九月車駕將北幸太常博士段暉奏河陽路當徽陵今車駕經由合親朝謁於是至陵所朝拜

周世宗顯德元年六月車駕征太原回親拜嵩陵望

陵號慟至陵所俯伏哀泣感於左右再拜訖祭奠而退賜奉陵將吏及近郊人戶帛有差

公卿巡陵

後唐清泰二年正月宗正寺奏北京永興長寧建極三陵應州遂衍奕三陵准曹州溫陵例下本州府官朝拜雍坤和徽四陵太常宗正卿朝拜從之

晉開運三年七月八日中書門下奏太常禮院狀得宗正寺牒今年八月擇日朝拜諸陵今太卜署擇用八月十二日庚午告北京義惠康昌四陵准天福二

年七月敕宜就昌陵都朝拜其朝拜官以本府上佐官充行事禮料亦准上供備

皇后陵

後唐同光三年十月正簡皇太后墓于坤陵初上欲相於代州太祖園陵中書門下奏議曰伏以人君以四海爲家不當分南北洛陽是帝王之宅四時朝拜理須便近不能遠幸代州今漢朝諸陵皆近秦雍國朝陵寢布列京畿後魏文帝自代遷洛之後園陵皆在河南兼勅應勳臣之家不許北墓今魏氏諸陵尙

在京畿相葬代州理爲未允從之

雜錄

後唐同光二年三月以尙書工部郎中李途爲長安兩路檢視諸陵使其年五月二十四日敕宗正寺嚴切指揮諸陵臺令丞不得輒令影占人戶其諸陵舊例合破巡人仍令酌量額定數目自本州縣于中等人戶內差遣交付陵所切不得自招影占人戶攪擾鄉村致妨縣司差遣色役使仰密具本官姓名申奏當行朝典仍具條約曉示諸陵臺及本州縣訖聞奏

其年八月中書門下奏諸陵臺令丞並請停廢以本縣令兼知陵臺事從之

三年六月敕關內諸陵頃因喪亂例遭穿廢多未掩修其下宮殿宇法物等各令奉陵州縣府據所管陵園修製仍四時各依例薦享逐陵各差近陵百姓二十戶放雜差役充陵戶以備灑埽其壽陵等一十陵亦一例修掩量差陵戶仍授尙書工部郎中李途京兆少尹充奉修諸陵使

周廣順元年正月赦文唐莊宗明宗晉高祖宜各置

守陵十戶以近陵人戶充五月宗正寺奏准諸陵故事有合丞各一員近合丞不置便委本縣令兼之今緣河南洛陽是京邑恐兼合丞不便伏候敕旨敕特置合丞各一員

忌日

後唐天成三年又八月九日敕尙書兵部郎中蕭愿奏每遇宗廟不樂之辰宰臣到寺百官立班是日降使賜香准案禁樂斷屠宰止刑罰者帝忌后忌之辰舊制皆有齋會蓋申追遠以表奉先多難已來此事

久廢今後每遇大忌宐設僧道齋一百人列聖忌日齋僧道五十人忌日既不視朝固難舉樂所奏止刑罰斷屠宰宜依兼河南府向來送酒行香宰臣自此止絕天下州府至國忌日並合不舉樂止刑罰斷屠宰餘且依舊

四年十二月中書門下奏今後大忌前一日請不坐朝從之

晉天福五年正月御史中丞竇貞固奏每遇國忌行香宰臣跪爐僧人表讚文武百官儼然列坐今後伏

請宰臣跪爐百官依常位立班從之仍令行香之後
齋僧一百人永爲定制

諱

後唐天成元年六月十二日敕朕聞古者酌禮以製
名懼廢於物取其難犯而易避貴便于時况徵在二
名抑有前例恭以太宗皇帝自登寶位不改舊稱時
臣有世南官有民部靡聞曲避止禁連呼朕以眇躬
托於人上冀遵聖範非敢有廢文書內所有二字但
不連稱並不得迴避如是臣下之名不欲與君親同

字者任自更改務從所便庶體予懷

三年正月詔曰本朝列聖及新追四廟諱近日章奏
偏傍文字皆闕點畫凡當出諱止避正呼若迴避於
偏傍則虧缺於文字宜從朴素庶便公私此後凡廟
諱但避正文其偏傍文字不必減少點畫其年八月
詔曰凡有姓犯廟諱者改以本望爲姓

清泰二年五月中書門下奏御名上一字與諸王相
連按太宗元宗廟故事人臣諸王合避相連字改從
單名從之

晉天福三年二月中書門下奏禮經云禮不諱嫌名
二名不偏諱注云嫌名謂聲音相近若禹與雨邱與
蘆也二名不偏諱孔子之母名徵在言在不稱徵言
徵不稱在此古禮也唐太宗元宗二名皆諱人姓與
國音聲相近是嫌名者亦改姓氏與古禮有異若廟
諱平聲字卽不諱側聲若諱側字卽不諱平聲所諱
字正文乃偏傍皆闕點畫望令依今式施行勅朝廷
之制今古相沿道在人宏禮非天降况以方開歷數
虔奉祖宗雖逾孔子之文爽周公之訓冀崇孝行永
載簡編所爲二名及嫌名事依唐朝施行

冊命

梁開平元年八月勅朝廷之儀封冊爲重用報勲烈
以隆恩榮固合式光舊章久缺自我復行今後每冊
封大臣宜令有司備臨軒之禮

後唐同光二年三月太常禮院奏准制尙書合秦王
李茂正備禮冊命檢詳舊儀無不帶節度使封冊之
命宜准故襄州節度使趙匡凝封楚國例施行秦王
受冊自備革輅一乘載冊犢車一乘并本品鹵簿鼓

吹如儀從之

三年六月太常禮院奏吳越國王錢鏐將行冊命按

禮文合用竹簡敕宜令有司修製玉冊俾稱元勳

議者

以玉冊帝王所用不合假諸人臣蓋當樞密院承旨
段迥受錢鏐之賂曲隨其請樞密使郭崇韜不詳典
禮故也

天成三年十一月十八日中書奏舊制凡降勅命至

尊臨軒伏自陛下纂襲繼有封崇但申節度之儀尙

缺臨軒之禮今後或封冊請御正衙雖勞萬乘之尊

冀重九天之命如此則行之時禮備受之者感深寧

唯轉耀于皇猷實亦永標於青史從之仍付所司

清泰元年六月中書門下奏據太常禮院申冊拜王

公如在京城所司備鹵簿車輅法物皇帝臨軒行冊

禮如在外鎮正衙命使押冊赴本道行禮車輅法物

故事不出都城禮無明文今奉制命幽州趙德均封

北平王青州房知溫封東平王皆備禮冊命其合用

車輅法物在兵部太常太僕寺請載往本州行禮後

送納本司從之

舉人自代

後唐清泰二年正月尚書吏部員外郎劉鼎奏臣伏
覩建中元年正月勅中外文武臣寮投官上任後三
日舉一人自代事下中書如除用選人所薦多者擬
議多事已來此敕久廢今後重乞舉行從之

漢乾祐元年正月敕節文應內外常叅官宜准唐建
中故事上任後三日表舉一人自代

後唐天成二年六月戶部尚書李麟奏應昇朝官四
品以上各許薦令錄兩人五品六品官各許薦簿尉
兩人敕所舉人除官後仍於官告內坐舉官姓名赴
任之後或有不公連坐舉主兼三品已上有舊譜行
止堪充兩使判官者各具才業上聞

周顯德二年正月二十一日御札一應在朝文資官
翰林學士兩省官內有曾歷藩郡賓職州縣官者宜
各舉堪爲合錄者一人務在強明清慎公平勤恪其
中有已曾任令錄亦許稱舉並當擢用不拘選限資
序雖姻族近親亦無妨嫌祇須舉狀內具言除官之
日仍具舉主姓名若在官貪濁不公懦弱不治職業
廢缺處斷乖違並量事狀輕重連坐仍令御史臺催

促本官旋具奏聞限兩月舉狀齊足如出使在外者候迴日准此指揮

四年六月敕一應在朝文資官各令再舉一人堪充令錄及兩使防禦團練軍事判官者自前或因公過微有殿犯者亦許稱舉餘准顯德二年正月二十一日御札處分其年八月詔應在朝上將軍統軍大將率府副率等宜令各舉有武勇膽力騎射趨捷堪爲軍職者兩三人仍具年歲及歷職去處聞奏如已在禁軍者不在稱舉候舉到日並當比試騎射看驗人

材雖是相親亦宜公舉但于狀內具言如應任用之後不副所舉卽量事狀輕重坐舉至

五年五月詔在朝文資官各令再舉堪爲幕職合錄者一人所舉幕職州縣官罷任後便與除官仍並許赴闕

皇太子親王見三師禮

後唐長興四年七月三日太常寺奏奉敕詳定太子諸王見師傅禮如左一准開元禮皇太子與師傅保相見前一日尉衛設次於宮門外道西南向伶官展

軒懸於庭其日諸衛所部屯門列仗典謁設師傅保
位于西階之西東向三少位次之少退俱東向北上
師傅保及三少至宮門通事舍人引師傅保就次左
庶子奏 嚴伶官師工人入就位通事舍人引師傅
保及三少立于正殿門西差退俱東向左庶子奏外
辦皇太子著從省服以出侍衛如常承和樂作至東
階下西向立樂止通事舍人引師傅保及三少樂作
就位樂止皇太子再拜師傅以下答拜若三少見時
則三少先拜通事舍人引師傅以下出樂作出門樂

止左庶子跪奏稱臣某言禮畢一又准禮閣新儀皇
太子受冊後前一日尙舍設次于崇明門外南向又
設師傅保中書門下文武百官東西相向以北爲上
宮臣及皇親陪其後次左庶子奏外備中官褰簾皇
太子常服出次南向立侍從如常儀次中書門下就
北向位再拜訖禮官贊皇太子再拜訖中書門下班
首一人前進賀訖復位再拜皇太子答賀訖又再拜
皇太子揖中書門下訖相次退通事舍人禮贊皇太
子再拜師傅等少避位訖師傅爲班首者一人進賀

訖復位再拜皇太子答賀訖又再拜皇太子揖師傅
退出內侍奉引皇太子就座南向座訖通事舍人引
文武宮臣三品以下入就北向重行異位立定奉禮
曰再拜訖左庶子一人進跪具宮臣某等言賀訖復
位皆再拜各分班東西序立奉禮曰再拜在位官皆
再拜訖左庶子少前跪奏具宮臣某言禮畢近侍垂
簾皇太子降座宮臣侍衛仗散如儀一准會要貞觀
十七年上謂房元齡曰太子三師以德導人者也若
師禮卑則太子無所取則於是詔令撰三師儀注太
子出殿門迎先拜三師三師答拜每門讓三師坐太
子乃坐與三師書前名惶恐後名惶恐再拜右據太
常禮院狀謹檢開元故事禮閣新儀及會要分析如
前其師傅見親王不同皇太子見師傅臣請師傅親
王對拜揖各退奉敕宜依

鄉飲

後唐清泰二年九月中書門下帖太常以長興三年
勅諸舉人常年薦送先合行鄉飲酒之禮宜令太常
草定儀注班下諸州預前隸習解送舉人之時便行

此禮其儀速具奏聞初長興中宰臣李愚好古奏行此禮累年不暇至是愚復奏及觀禮官所定無緒禮官孫知訓以古禮無次序不可施行博士或言梁朝時青州曾行一度遂令青州訪舊簿書以聞竟不能行

講武

梁開平元年十月駕幸繁臺講武至二年七月改爲

講武臺

按地里志本西漢梁孝王所築謂之吹臺其後有繁氏居其側故里人呼爲繁臺

牋表例

後唐同光二年八月勅四京併諸道州府及京百司應申奏諸色公事奏狀等先會指揮並須實封斜角

其常呈奏狀於斜封上明題所爲公事或干軍機言不題事直至御前開封進呈事宜指揮四京及諸道台散下管內諸州依元宣旨處分其在京百司仍令御史臺各錄敕文曉告

天成元年七月敕三京諸道節度團練使防禦使勅使文武將吏州縣職員皆進月旦起居表其四孟月且並可止絕

三年七月二十一日敕今後天下諸州刺史及係屬節鎮團練防禦使除應聖節冬至端午外謝上及每

月起居慶賀章表並付本道封進其餘公事准往例
節度觀察使騰覆奏聞

長興元年五月太常禮院奏皇后今月十四日受冊
准舊儀外命婦並合赴皇后受冊正殿門外就次俟
受冊訖司賓引入就位奉賀今未有命婦院請准例
上表賀中書門下奏其諸道節度使上表賀皇帝其
在朝外命婦所上皇后表章進呈訖不下令報答自
此不更進表皇子妻駙馬公主及近密親舊或有慶
賀及進起居章表內中委人主掌進呈後祇宣示來

使並不下令從之其月太常禮院奏按儀制令百官
上疏於皇后曰皇后殿下中外臣寮外命婦慶賀祇
呼殿下不言皇后中書覆奏據太常禮院狀若祇呼
殿下恐未合宜至如舊制皇太子亦呼殿下若無分
別何顯尊卑凡上皇后章表內請呼皇后殿下若不
形文字尋常並呼皇后從之
二年五月樞密院條疏諸道報軍機表狀於斜封上
不得言爲何事宜二字

晉天福二年十月中書門下奏按禮閣新儀正元二

年十月七日御史臺奏每月慶賀及諸上表並合上
公之制可今後凡有謝賀上表望並准元敕上公行
之如三公關令僕已下行之中書門下別貢表章從
之

五代會要卷四終

五代會要卷五

宋

王

溥

撰

待制官

後唐天成元年七月御史臺奏伏准故事每月百官
入閣百司排儀仗金吾勘契入後百官待制次對入
閣舉論本司公事左右起居分記言動以付史館編
錄此大朝經久之道也近奉敕旨百官除常朝外依
宰臣每五日一度入內起居拜訖便退總一度有公
事亦宜行因此廢待制次對之官今後伏乞每月

朔望兩度出御文明殿排入閣之儀諸司依前轉對
奏論本司公事兼乞因宰臣五日一度延英之際百
官要奏事者臨到便許引入如或以山陵日近朔望
不坐卽取次日亦合舊規候過山陵却復前制勅其
五日一度起居之際班行內要奏事者便出班奏對
自後又奏請五日入內起居之際令百官次第轉對
從之

三年十月尙書吏部員外郎趙熙奏百官待制每讀
奏于殿廷慮洩機事請許封章上聞從之其年十二
月十日中書門下奏朝官每遇待制不計度數具三
代名諱奏聞伏以臣子之道資忠孝以爲先祖考之
名形翰墨而非異初升朝者不可有缺久在諱者何
必更然日日起朝不處疎遠之地時時待制忍煩嘔
蹙而書况屢瀆於天聰且無益于時政宜更往例別
示新規今後自外任除投朝官者仰具三代名諱一
度聞奏仍付所司其久在班者每遇待制不令更通
三代名諱從之

長興二年八月敕今後宰臣文武百官每五日內殿

起居仍舊其輪次轉對宜停若有所見許非時上表其朔望入閣待制候對一依舊規

晉天福七年三月敕今後百官每五日一度內殿起居日輪差兩員官具所見實封以聞

漢乾祐三年八月給事中陶穀奏乞停內殿五日轉對朝臣中或有所見許非時詣闕門拜章論奏從之周顯德四年五月詔今後每遇入閣其待制官候對官及文武臣寮非時所上章疏並須直書其事不得隱情但云某人有武某人能理人某處所官吏因循

某州縣刑獄冤濫某事爲于國而未舉某事害於民而未除經營四方者術策何施裨贊萬機者闕遺何補何人讜正之士何人詐僞之端當竭言之朕自詳覽其待制候對官令在于文班內輪次充不在祇取刑法官

祥瑞

後唐同光二年三月唐州奏淮濱廣潤王廟前有兩樹東西相去七尺五寸其樹各出地七尺五寸兩樹相向連理畫圖以進其年九月萊州奏卽墨縣人李

夢徵室內柱上生芝草兩本畫圖以進上宴樂於嘉慶殿諸道貢物稱賀

三年三月修東京月陂堤至立德坊南古岸得玉璽

一紐文曰皇帝行寶

都部署朱守殷表上之命中書門下宣示百官宰相豆盧革等

驗其篆文曰皇帝行寶方圍八寸厚二寸背紐元龍光瑩精妙莫知湮墜之由自秦漢以來天子之璽有六文曰皇帝之璽皇帝信璽皇帝行璽天子之璽天子信璽天子行璽至唐元宗時改名國寶漢末董卓遷獻帝于長安袁術將孫堅攻卓收洛陽營于城南見甄官井有五色氣命掘之得漢傳國璽文曰受命于天既壽永昌方圍四寸紐交五龍一角小缺議者意張護幼帝出掌帝璽者投之甄井故也今之所得卽六璽之一也守殷又于積善坊得古文錢四百五十六文文曰得一九寶背曰順天元寶

天成二年五月懷州進白鵲至六月兗州進三足鳥

四年七月遂州進嘉禾一莖九穗百官稱賀勅付史

館編錄

長興三年十月萊州奏卽墨縣人王及家生芝草一

本三枝分兩岐或三岐上漸相向成片而圓色紫葉

莖一色其表白高尺餘上命出宮中舊進芝草四本

色莖皆同

晉天福八年三月有白鳥棲於作坊廂樹

開運二年十一月鄧州奏穰縣和平鄉竹合歡圖進

之至三年六月登州文登縣地內磅出金銅佛像四
龕佛像十

漢乾祐三年五月賴州進白鹿至三年五月太原進
白鳥白兔

周顯德元年河南奏汜水縣民家生紫芝數莖以進

至三年穎州進白兔

翰林學士尚書兵部侍郎知制誥陶穀進紫芝白兔頌

雜錄

周廣順元年正月五日制書節文帝王之道德化爲
先崇飾虛名朕所不取苟致理之未協雖多瑞以奚

爲今後諸道所有祥瑞不得輒有奏獻

行幸

晉天福二年十一月中書門下奏准新令車駕巡幸
所在州縣官入見在駕所祇承者賜會並同京官從
之

周廣順二年五月車駕親征兗州御札宣示沿路側
近節度防禦團練使刺史不得離本州府來赴朝覲
其隨駕一行供頓並取繫省錢物准備差使臣勾當
仍預告報一路州縣並不得別有排比其隨從臣寮

外內諸司官中已有供給州縣亦不得別有破費祇供其要載動用什物 乘亦已指揮備辦如闕少之時候見宣命卽供應祇不得預前排比如衷私有人小小取索並不得應副或軍部及諸色人於途路店肆買些須食物先還價錢兩京留司百官祇於遞中附表起居時熱不用差官至行在所沿路指揮事件車駕回日亦依此施行

追賞

周顯德五年九月賜宰臣樞密使翰林學士中書舍

人宴於玉津園張教坊樂

先是上以前代有賜百官觀稼之事復以是歲秋成

念內臣之勞
倦故有是命

節日

後唐同光四年四月十九日明宗勅旨應中外臣寮及三京諸道州府如是謝賀并節序並可據有無量力進奉不得因茲掇斂傷耗生靈至於奇巧珍玩飛放搏噬之物並不得轉將進奉

天成二年三月五日門下侍郎兼工部尚書平章事判三司任圜奏三京留守諸道節度觀察諸道州防

禦使刺史每年應聖節及正至等節貢奉或恩命收
轉或討伐勝捷各進獻馬伏見本朝舊事雖以獻馬
爲名多將綾絹金銀折充馬價蓋跋涉之際護養稍
難因此羣方俱爲定制自今後伏乞除蕃部進駝馬
外諸州所進馬許依天福三年以前事例隨其土產
折進價值冀貢輸之稍易又誠敬之獲申兼欲於諸
處揀孳生馬准舊制分置監牧仍委三司使別具制
置奏聞

清泰二年正月中書門下奏每遇聖誕節辰凡刑獄
公事奏覆候次月施行今後伏請重繫者卽候次月
輕繫者節前奏覆決遣從之

晉天福四年九月敕每年寒食七夕重陽及十月暖
帳內外臣寮進獻並宜停止

六年正月敕今後冬至寒食端午天和節及諸色謝
賀無屬州錢處不得進奉

周廣順三年七月敕內外文武臣寮遇永壽節辰皆
於寺觀起置道場便爲齋供訪聞皆是釀金所宜減
損以足公私今後中書門下與文武百官等共設一

齋樞密使與內諸司使副等共設一齋侍衛親軍馬步督軍指揮使已下共設一齋其餘前任官員及諸司職掌並不得更開置道場及設齋

獻俘

後唐天成四年二月定州行營招討使王晏球來獻逆賊王都首級并俘馘上御咸安樓立仗百官就列尚書兵部宣露布於樓前宣訖尚書刑部侍郎張文寶奏曰逆賊王都首級請付所司大理卿蕭希甫受之以出獻于郊社其王都男并蕃將禿餒等命磔於

開封橋百官稱賀

晉天福七年正月鎮州行營招討使杜重威奏曰二日收復鎮州傳逆人安重榮首級來獻上御乾明樓仗衛如儀宣露布訖大寺^{理寺}受俘馘付市狗之百官稱賀命漆其首傳于契丹其年九月襄州行營都部署高行周等執逆賊安從進男宏受判官王鼎李光圖等四十四人來獻上御乾明門受俘宣露布訖百官稱賀命狗於市

漢乾祐二年七月西面行營都部署露布獻河中所

五代會要 卷五
獲逆賊李守正首級并俘馘等上御明德門樓受俘
羣臣稱賀

三年正月鳳翔節度使趙暉奏請供奉官張銖押逆
賊王景崇首級并同惡周祭至闕下獻俘命狗于六
街磔于西市

大內

梁開平元年四月改正衙殿爲崇元殿東殿爲元德
殿內殿爲金殿萬歲堂爲萬歲殿門如殿名大內正門爲
元化門皇城南門爲建國門滴漏門爲啟運門下馬

門爲昇龍門元德殿前門爲崇明門正殿東門爲金
烏門西門爲玉兔門正衙東門爲崇禮門東偏門爲
銀臺門晏堂門爲德陽門天主門爲賓天門皇城東
門爲寬仁門浚儀門爲厚載門皇城西門爲神獸門
望京門爲金鳳門

三年十一月以乾文院爲文思院行從殿爲興安殿
毬場爲興安毬場弓箭庫殿爲宣威殿

晉天福二年八月改元德殿爲廣政殿門爲廣政門
四年改明德殿爲滋德殿以官城南門同名故改之

周廣順元年六月勅以薰風等門爲京城門明德等門爲皇城門啟運等門爲宮城門昇龍等門爲宮門崇元等門爲殿門

右已上東京

梁開平二年正月改正觀殿爲文明殿含元殿爲朝元殿三年十月改左右章善門爲左右銀臺門其左右銀臺門爲左右興善門

後唐同光二年正月改朝元殿爲含元殿崇勳殿爲中興殿應順門爲永曜門太平門爲萬春門通政門爲廣政門鳳鳴門爲韶和門萬春門爲中興門解慍殿爲明端殿其年九月以內園新殿爲長春殿

右已上西京

晉天福六年改皇城南應天門爲乾明門北門爲元德門西門爲千秋門東門爲萬春門七年三月改宣明門爲來鳳門武德殿爲視政殿文思殿爲崇德殿畫堂爲天清殿寢殿爲乾福殿

門如殿各

右已上鄴都

太寧宮

晉天福二年五月御史臺奏汴州在梁室朱氏稱制之年有京都之號及唐莊宗平定河南復廢爲宣武軍至明宗行幸之時掌事者因緣修葺衙城遂挂梁室時宮殿門牌額當時識者咸竊非之一時車駕省方暫居梁苑臣觀衙城內齋閣牌額一如明宗行幸之時無都號而有殿名恐非善制臣等竊惟秦漢以來寰海之內鑾輿所至多立宮名近代隋室于揚州立江都宮太原立汾陽宮岐州立仁壽宮唐朝于太原立晉陽宮同州立長春宮岐州立九成宮宮中殿閣皆題署牌額以類皇居請准故事於汴州衙城門權挂一宮門牌額則其餘齋閣並可取便爲名勅行闕宜以太寧宮爲名三年十月敕汴州昇爲東京其太寧宮門樓宜以顯德爲名

長春宮

梁開平元年五月中書門下奏請廢同州長春宮使從之

後唐同光元年十一月復置長春宮使額

晉天福四年四月勅其同州長春宮使額宜停泐宮

職務委州司制置

華清宮

晉天福四年五月廢為靈泉觀

諸宮

梁開平元年五月以水北宅為大昌宮

後唐天成元年六月中書門下奏請以洛京潛龍舊

宅為至德宮北京舊宅為積慶宮從之

晉天福二年十一月中書門下奏請以洛京潛龍舊

宅為廣德宮北京舊宅為興義宮北京舊莊為慶昌

宮

仍改鄉為龍飛鄉里為神光里

雜錄

梁開平元年八月敕諸道所有申奏軍事令直至右

銀臺門委客省使晝時引進尋常公事依前四方館

收接

乾化元年五月敕左右銀臺門朝叅諸司使軍使已

下不得帶從人出入親王許將一二人執條沐手簡

餘悉止闌入者抵律闔守不禁與所犯同

受朝賀

後唐天成三年十月二十一日中書奏冬至日文武百寮詣東上閣門拜表稱賀儀注前一日所司于閣門外量地之宜設中書合捧表位禮部郎中押表案位及文武常叅官位如常儀其日文武百寮依時刻俱詣闕門外列班如式次通事舍人贊引中書門下入就位立定典儀曰再拜應在外官俱再拜訖禮官通事舍人引中書令詣捧表位禮部郎中取表投中書令跪受復置於案其案禮部令史二人對拜前導至位中書令搢笏捧表跪投閣門使跪捧表側立候中書令退歸

本班立定典儀曰再拜應在位官俱再拜舞蹈三稱萬歲又再拜訖閣門使捧表以進次閣門使宣答出詣中書門下班前外有敕典儀曰再拜應在位官俱再拜宣曰履長之慶與卿等同之宣訖典儀曰再拜應在位官俱再拜舞蹈三稱萬歲又再拜訖相次退如常式右太常禮院狀准禮例修撰如前案開元八年中書奏冬至一陽生萬物潛動所以自古聖帝照王皆此日朝萬國觀雲物禮之大者莫踰是時其日祀園邱皆令攝官行事質明既畢日出視朝有國已

來更無改易若親拜南郊受朝須改因勅自今已後
冬至受朝永爲常式至永泰二年十一月詔冬至令
有司祭南郊于含元殿受朝賀至建中二年敕宜以
冬至日受朝賀正元四年中書侍郎李泌奏冬至受
朝賀請准元日中書令讀諸方表敕旨宜依准六典
殿中侍御史凡冬至元正大朝賀升殿者伏以天運
四時節分二至陰勝則臣道熾陽盛則君德興且一
家之尊祭先祖畢受子孫之賀豈萬國之主祀園邱
止臣下之朝宜按舊章以光令節冬至日望准本朝
前後明敕處分奉敕宜依又七年四月二十八日敕
昔者聖賢仰觀法象因天地交會之次爲父子相親
之儀沿襲成風古今不易王者制事在于因人酌其
情而使其中順其俗以爲禮咸覲之禮旣行父子之
間資事之情豈隔君臣之際自今後每年五月一日
御宣政殿與文武百寮相見京官九品已上外官因
朝奏在京者並聽就列宐令所司量定儀注頒示天
下仍編禮式永著常規者伏以本朝舊典近代不行
方當開泰之朝難曠會同之禮宜興墜典以耀明廷

五月一日應在京九品以上官及諸道進奉使並准
正元七年勅就位起居自此每年永爲常式者奉敕
宜依

清泰元年四月中書門下奏太常以五月朔御明堂
受朝三日夏至祀皇地祇前二日奏告獻祖室不坐
比正至是日有祀事則次日受朝今祀在五鼓前質
明行禮畢御殿在始旦後請比例行之敕日出御殿
與祀事無妨宐依常例施行

二年十二月太常禮院奏來年正月元日合御明堂
受朝賀其日上辛祀昊天上帝於南郊依禮大事不
坐勅祀事在質明前儀仗在日出後事不相干宐依
常年受朝

晉天福四年十二月太常禮院申奏勅約開元禮重
定正冬朔會按開元禮三品以上升殿羣臣在下請
法近禮依內宴列坐據開元禮稱賀後皇帝戴通天
冠服絳紗袍百官朝服侍坐解劍履于樂府之西北
今京邑新造殿廷隘狹請皇帝冠烏紗巾服赭黃袍
百寮具公服俟朝堂宏敞卽舉舊儀二舞鼓吹熊羆

之樂工師樂器等事因久廢不可卒備請且設九部
樂用教坊伶人詔曰三品之官尙書方得升殿餘依
所奏

二王三恪

梁開平二年三月以唐宗子鴻臚卿李崧封萊國公
爲二王後四月中書門下奏萊國公李崧合於西都
選地建立三廟以備四仲祠祭每祭仍令度支供給
祭料從之其年十二月禮儀使奏謹按唐朝以魏元
氏子孫封韓國公爲三恪以周宇文氏子孫封介國

公隋楊氏子孫封鄴國公爲二王後今國家受禪封
唐李氏宗子李崧爲萊國公今請以介國公爲三恪
鄴國公萊國公爲二王後從之

晉天福二年正月敕周以杞宋封夏殷之後爲二王
後兼封舜之後爲三恪唐以周隋之後封公爲二王
後又封魏之後爲三恪宜于唐朝宗屬中取一人封
公世襲兼隋之鄴國公爲二王後以周後介國公備
三恪其主祀及赴大朝會委所司具典禮申奏其唐
朝宗屬中舊在朝及諸道爲官者各據資歷考限滿

日從品秩序遷已有出身任令叅選

四年九月敕周受龍圖立夏殷之祀唐膺鳳歷開鄗介之封乃瞻前朝載稽舊典宜闢土宇俾奉宗祧宜以郇國三千戶封唐許王李從益爲秩國公奉唐之祀服色旌旗一依舊制以西京至德宮爲廟牲幣器祭服悉從官給

朔望朝叅

梁開平元年十月中書門下奏請每月初八日御閣望日御延英聽政兼爲常式從之

後唐天成元年五月三日敕今後宰臣文武百官除常朝外每五日一度入內起居其中書非時有急切公事請開延英不在此限

晉天福二年十一月中書門下奏准唐正元二年九月五日敕文官充翰林學士及皇太子諸王侍讀武官充將軍職事並不常朝叅其在三館諸寺職事官並朝叅訖各歸所務者自累朝已來文武在內廷充職兼判三司或帶職額及六軍判官等例不赴常朝先無正敕往近勅文武職事未升朝者按舊制並赴

朔望朝參其翰林學士侍讀三館諸職事官望准元
敕處分其諸在內廷諸司使等每受正官之時來赴
正衙謝後不常朝三司職官免常朝唯赴大朝會其
京師未升朝官祇赴朔望朝參帶諸司職掌者不准
此例文官除端明殿翰林學士樞密院學士中書省
知制誥外有兼官兼職者仍各發遣本司公事從之
其月中書門下奏應供奉官常參官朔望朝參按六
典凡京百司有常參官謂五品已上職事官八品已
上供奉官員外郎監察御史太常博士諸司長官謂
三品以上若敕喚諸司長官及賜物者太子賓客尙
書左右丞諸司侍郎中書門下五品已上官御史中
丞並同長官例若別賜物中書門下正三品准二品
四品准三品五品准四品同中書門下平章事並同
中書門下正三品官按會要侍中舊是正三品大厯
二年改爲正二品中書令同今中書門下平章事望
同中書門下正二品按六典禮部凡京百司文武職
事九品已上每朔望朝參五品已上及供奉官員外
郎監察御史太常博士每日朝參從之

入閣儀

司天進時刻牌閣門進班齊牌皇帝自內著袍衫穿靴乘輦至常朝殿門駐輦受樞密使已下起居訖引駕至正朝殿皇帝坐定捲簾殿上添香喝控鶴官拜次鷄叫官次閣門勘契次閣門承旨喚仗次閣門使引金吾將軍南班拜訖分引至位對揖次細杖相次入次執文武班簿至位對揖次宰臣南班拜訖分引至位對揖次金吾將軍奏平安次文武百官入通事舍人揖殿鞞靴入沙墀兩拜立定次引宰臣及兩省官金吾將軍合班立定閣門使喝拜搢笏舞蹈三拜奏聖躬萬福又引宰臣班首一人至近前跪奏又兩拜舞蹈三拜引至位對揖通事舍人引宰臣至東西踏道下立次文武百官出次兩省官南班揖殿出次翰林學士南班揖殿出次執文武班簿南班揖殿出次金吾將軍南班揖殿出次細仗出次引宰臣香案前奏事訖宣徽使喝好去南班揖殿出次閣門使引待制官到位兩拜引近前奏事訖却歸位磬折宣徽使宣所奏知又兩拜舞蹈三拜舍人喝好去南班揖


五代會要

卷五

十一

行方閣藏

殿出次刑法官奏事准上次監察御史南班揖殿出
次起居郎南班揖殿出次閣門承旨放仗次閣門使
奏衙內無事次喝控鶴官門外祇使次下簾皇帝上
轎歸內



五代會要卷五終

